

7 мая 2026. Четверг. Мч. Савва Стратилат.

7 мая 2026. Четверг. Мч. Савва Стратилат.

Утренняя (приходская)

Священник, начиная каждое у престола:

Благословен Бог наш, всегда, ныне и присно и во веки веков.

Чтец: Аминь.

Христос воскрес из мертвых, смертью смерть поправ, и сущим во гробех живот даровав. **(Трижды)**

Святый Боже, Святый Крепкий, Святый Безсмертный, помилуй нас. **(Трижды).**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, **(Трижды).**

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесах, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и Слава Отца и Сына и Святого Духа, ныне и присно и во веки веков.

Чтец: Аминь.

Господи, помилуй, **(12 раз)**

Слава Отцу и Сыну и Святому Духу, и ныне и присно и во веки веков. Аминь.

Чтец читает двупсалмие; в это время священник совершает полное каждение храма.

Псалом 19

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое точно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь христа Своего, услышит его с Небесе Святаго Своего, в силах спасение десницы Его. Сии на колесницах и сии на конех, мы же во имя Господа Бога нашего призовём. Тии спяти быша и падоша, мы же востанем и исправимомся. Господи, спаси царя и услыши ны, воньже аще день призовём Тя.

Псалом 20

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лиши его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дней во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостью с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящая Тебе. Яко положиши их, яко пещь огненную во время лица Твоего; Господь гневом Своим смятет я, и снесет их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцах Твоих уготовиши лице их. Вознесися, Господи, силою Твоею, воспоём и поём силы Твоя.

Слава Отцу и Сыну и Святому Духу, и ныне и присно и во веки веков. Аминь.

Святой Боже, Святой Крепкий, Святой Безсмертный, помилуй нас *(трижды)*.

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

7 мая 2026. Четверг. Мч. Савва Стратилат.

Господи, помилуй (*трижды*).

Слава Отцу, и Сыну, и Святому Духу, и ныне, и присно, и во веки веков. Аминь.

Отче наш, Иже еси на Небесах! Да святится имя Твое, да придет Царствие Твое, да будет воля Твоя, яко на Небесах, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила, и слава, Отца, и Сына, и Святаго Духа, ныне и присно, и во веки веков.

Чтец: Аминь.

Чтец: Спаси, Господи, люди Твоя и благослови достояние Твое: победы на сопротивных даруя, и Твое сохраняя Крестом Твоим жительство.

Слава Отцу и Сыну и Святому Духу.

Вознеси́йся на Крест во́лею, тезоименито́му Твоему́ но́вому жи́тельству щедро́ты Твоя́ да́руй, Христе́ Бо́же; возвесели́ нас си́лою Твоею́, победы́ да́я нам на сопоста́ты, посо́бие иму́щим Твое́ ору́жие ми́ра – непобе́димую побéду.

И ныне и присно и во веки веков. Аминь.

Предстательство страшное и непостыдное, не презри, Благая, молитв наших, Всепетая Богородице; утверди православных жительство, спаси верных люди Твоя и подаждь им с Небес побéду; зане родила еси́ Бога, едина́ Благословенная.

Ектения сугубая

Священник: Помилуй нас, Бо́же, по вели́цей ми́лости Твое́й, молим Ти ся, услыши и помилуй.

Лик: Господи, помилуй (*трижды*).

Священник: Еще́ мо́лимся о Вели́ком Госпо́дине и отце́ нашем, Святе́йшем Патриа́рхе Кири́лле, и о всей во Христе́ бра́тии нашей.

Лик: Господи, помилуй (*трижды*).

Священник: Еще́ мо́лимся о Богохрани́мей стране́ нашей, власте́х и во́инстве ея́, да тихое и безмо́лвное жити́е поживе́м во вся́ком благоче́стии и чистоте́.

Лик: Господи, помилуй (*трижды*).

7 мая 2026. Четверг. Мч. Савва Стратилат.

Священник: Ещё молимся за всю братию и за вся христианы.

Лик: Господи, помилуй *(трижды)*.

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь. **Именем Господним благослови, отче.**

Священник: Слава Святей, и Единосущней, и Животворящей, и Нераздельней Троице всегда, ныне и присно и во веки веков.

Лик: Аминь.

Шестопсалмие

Чтец: Слава в вышних Богу, и на земли мир, в человецех благоволение. *(Трижды)*

Господи, устне мои отверзеши, и уста моя возвестят хвалу Твою. *(Дважды)*

Псалом 3

Господи, что ся умножиша стужающие ми? Мнози востают на мя, мнози глаголют души моей: несть спасения ему в Боже его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святых Своих. Аз уснух, и спях, востах, яко Господь заступит мя. Не боюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующия ми все: зубы грешников сокрушил еси. Господне есть спасение, и на людех Твоих благословение Твое.

Аз уснух и спях; востах, яко Господь заступит мя.

Псалом 37

Господи, да не яростию Твоею обличиши мене, ниже гневом Твоим накажеш мене. Яко стрелы Твоя унзоша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возсмердеша и согниша раны моя от лица безумия моего. Пострадах и слякохся до конца, весь день сетуя хождях. Яко лядвия моя наполнися поруганий, и несть исцеления в плоти моей. Озлоблен бых и смирихся до зела, рыках от возды-

7 мая 2026. Четверг. Мч. Савва Стратилат.

хання сёрдца моего. Гóсподи, пред Тобóю все желáние моé и въздыхáние моé от Тебé не утайся. Сёрдце моé смятéся, остáви мя сíла моя, и свет óчию моéю, и той несть со мно́ю. Дрúзи мой и íскреннии мой прýмо мне прибли́жишася и стáша, и ближнии мой отдалéче менé стáша и нуждáхуся ищущии дýшу мою, и ищущии злáя мне глаго́лаху сýетная и льстíвным весь день поучáхуся. Аз же я́ко глух не слýшах и я́ко нем не отверзáяй уст своих. И бых я́ко человек не слýшай и не имýй во устéх своих обли́чэния. Я́ко на Тя, Гóсподи, упова́х, Ты услýшиши, Гóсподи Бóже мой. Я́ко рех: да не когда́ порáдуют ми ся вразí мой: и внегда́ подвижáтися ногáм мо́им, на мя велерéчеваша. Я́ко аз на рáны готóв, и болéзнь моя́ предо мно́ю есть вýину. Я́ко беззакóние моé аз возвещú и попекúся о гресé моём. Вразí же мой живúт и укрепíшася пáче менé, и умно́жишася ненави́дящии мя без прáвды. Возда́ющии ми злáя возблагáя оболгáху мя, занé гоня́х благостýню. Не остáви менé, Гóсподи Бóже мой, не отступí от менé. Вонмí в пóмощь мою́, Гóсподи спасéния моего́.

Не остáви менé, Гóсподи Бóже мой, не отступí от менé. Вонмí в пóмощь мою́, Гóсподи спасéния моего́.

Псалом 62

Бóже, Бóже мой, к Тебé úтреннюю, возжада́ Тебé душá моя́, коль мно́жицею Тебé плоть моя́, в землí пýсте и непроходне, и безводне. Тáко во святém явíхся Тебé, видети сíлу Твою́ и сла́ву Твою́. Я́ко лúчши мíлость Твоя́ пáче живóт, устне́ мой похвалíte Тя. Тáко благословлю́ Тя в животé моём, о íмени Твоём воздежу́ рúце мой. Я́ко от тýка и ма́сти да испóлнится душá моя́, и устна́ма рáдости восхва́лят Тя уста́ моя́. А́ще помина́х Тя на постéли моéй, на úтренних поучáхся в Тя. Я́ко был есí помóщник мой, и в крóве крилú Твоёю́ возра́дуюся. Прильпé душá моя́ по Тебé, менé же прýт десн́ца Твоя́. Тíи же всýе иска́ша дýшу мою́, внíдут в преиспóдняя землí, преда́тсся в рúки ору́жия, чáсти л́совом б́дут. Царь же возвесел́тсся о Бóзе, похвал́тсся всяк кленýйсся Им, я́ко заградíшася уста́ глаго́лющих неправедная.

На úтренних поучáхся в Тя, я́ко был есí Помóщник мой, и в крóве крилú Твоёю́ возра́дуюся.

Прильпé душá моя́ по Тебé, менé же прýт десн́ца Твоя́.

Сла́ва Отцú, и Сýну, и Свято́му Дýху, и ны́не, и пр́сно, и во вéки веко́в. Амíнь.

7 мая 2026. Четверг. Мч. Савва Стратилат.

Аллилу́ия, аллилу́ия, аллилу́ия, сла́ва Тебе́, Бо́же. **(Трижды, без поклонов)**

Господи помилуй **(трижды)**.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Псалом 87

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к моле́нию моему́, я́ко испо́лнися зол душа́ моя́, и живо́т мой аду прибли́жися. Привмене́н бых с низходя́щими в ров, бых я́ко челове́к без по́мощи, в ме́ртвых свободо́й, я́ко я́звенни спя́щии во гробе́, ихже не помяну́л еси́ ктому́, и ти́и от руки́ Твоея́ отрино́вени бы́ша. Положи́ша мя в ро́ве преиспо́днем, в те́мных и се́ни сме́ртней. На мне утверди́ся я́рость Твоя́, и вся во́лны Твоя́ навел еси́ на мя. Уда́лил еси́ зна́емых мои́х от мене́, положи́ша мя ме́рзость се́бе: пре́дан бых и не исхожда́х. Очи мои́ изнемо́госте от нищеты́, воззва́х к Тебе́, Го́споди, весь день, возде́х к Тебе́ ру́це мои́. Еда́ ме́ртвыми тво́риши чуде́са? Или́ вра́чеве воскреся́т, и испове́дятся Тебе́? Еда́ пове́сть кто во гробе́ ми́лость Твою́, и и́стину Твою́ в поги́бели? Еда́ познана́ бу́дут во тьме чуде́са Твоя́, и пра́вда Твоя́ в землі забвённой? И аз к Тебе́, Го́споди, воззва́х и у́тро моли́тва моя́ предва́рит Тя. Вскую́, Го́споди, отрееши́ ду́шу мою́, отвраща́еши лице́ Твое́ от мене́? Нищ есмь аз, и в труде́х от ю́ности моея́; возне́с же ся, смири́хся, и изнемо́гох. На мне преидо́ша гне́ви Твои́, устраше́ния Твоя́ возмути́ша мя, обыдо́ша мя я́ко вода́, весь день одержа́ша мя вку́пе. Уда́лил еси́ от мене́ дру́га и и́скренняго, и зна́емых мои́х от страсте́й.

Го́споди Бо́же спасе́ния моего́, во дни воззва́х и в но́щи пред Тобо́ю. Да вни́дет пред Тя моли́тва моя́, приклони́ у́хо Твое́ к моле́нию моему́.

Псалом 102

Благослови́, душе́ моя́, Го́спода, и вся вну́тренняя моя́ и́мя свято́е Его́. Благослови́, душе́ моя́, Го́спода, и не забыва́й всех воздая́ний Его́, очища́ющего вся беззако́ния тво́я, исцеля́ющего вся неду́ги тво́я, избавля́ющего от ислéния живо́т твой, венча́ющего тя ми́лостию и щедро́тами, исполня́ющего во благо́х желáние твоё: обнови́тся я́ко о́рля ю́ность тво́я. Твори́й ми́лостыни Госпо́дь, и судьбу́ всем обидимым. Сказа́ пути́ Сво́я Моисе́ови, сыно́вом Изра́иловым хоте́ния Сво́я: щедр и ми́лостив Госпо́дь, долготерпели́в и многоми́лостив. Не до конца́ прогне́вается, ни-

же во век враждует, не по беззаконием нашим сотворил есть нам, ниже по грехом нашим воздал есть нам. Яко по высотѣ небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова престол Свой, и Царство Его всеми обладает. Благословите Господа вси Ангели Его, сильнии крепостию, творящи слово Его, услышати глас словес Его. Благословите Господа вся силы Его, слуги Его, творящи волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвья века. И уни во мне дух мой, во мне смятеся сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе руке мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей, и не вниди в суд с рабом Твоим.

Услыши мя, Господи, в правде Твоей, и не вниди в суд с рабом Твоим.

Дух Твой Благий наставит мя на землю праву.

Слава Отцу, и Сыну, и Святому Духу, и ныне, и присно, и во веки веков. Аминь.

7 мая 2026. Четверг. Мч. Савва Стратилат.

Аллилу́ия, аллилу́ия, аллилу́ия, сла́ва Тебе́, Бо́же. *(Трижды)*

Ектенія великая

Диакон: Мíром Го́споду помóлимся.

Лик: Го́споди, помíлуй *(на каждое прошение)*.

Диакон: О свѣшнем мíре и спасѣнии душ на́ших, Го́споду помóлимся.

Диакон: Пресвятую, Пречистую, Преблагословенную, Сла́вную Влады́чицу на́шу Богороди́цу и Присноде́ву Мари́ю со всѣми святы́ми помяну́вше, са́ми себѣ и друг дру́га, и весь живóт наш Христу́ Бо́гу преда́дим.

Лик: Тебе́, Го́споди.

Священник: Я́ко подобáет Тебе́ всякая сла́ва, честь и поклонѣние, Отцу́, и Сы́ну, и Свято́му Ду́ху, ны́не и прѣсно, и во ве́ки веко́в.

Лик: Амíнь.

«Бог Господь»

Диакон: Бог Господь, и явѣся нам, благословѣн Грядый во имя Господне.

Стих 1: Исповѣдайтесь Господеви, яко Благ, яко в век милость Его.

Глас 8: Бог Господь, и явѣся нам, благословѣн Грядый во имя Господне.

Стих 2: Обышедше обыдоша мя, и именем Господним противляхся им.

Лик: Бог Господь, и явѣся нам, благословѣн Грядый во имя Господне.

Стих 3: Не умру, но жив буду, и повею дела Господня.

Лик: Бог Господь, и явѣся нам, благословѣн Грядый во имя Господне.

Стих 4: Камень, Егоже небрегоша зиждущии, Сей бысть во главу угла, от Господа бысть Сей, и есть дивен во очесех наших.

Лик: Бог Господь, и явѣся нам, благословѣн Грядый во имя Господне.

7 мая 2026. Четверг. Мч. Савва Стратилат.

Тропарь Преполовления Пятидесятницы

Глас 8: Преполовившуся празднику,/ жаждущую душу мою
благочестия напой водами,/ яко всем, Спасе, возопил еси:/
жаждай да грядет ко Мне и да пиет.// Источниче жизни
нашея, Христе Боже слава Тебе. **(Дважды)**

Слава Отцу, и Сыну, и Святому Духу.

Тропарь мч. Саввы Стратилата и с ним 70-ти воинов

Глас 5: Земнаго сана пояс оставив и почести, страдальче,/
пред мучителем, льстивым царем Христа, Бога суща,/
исповедал еси и Того ради многа страдания подъял еси,
славне./ Тем прекрасным победы венцем увязлся еси от
Царя всех царствующаго,/ с Небесными вои светло
преукрашен./ Предстоя Тому, Савво, моли,// да спасет души
наша.

И ныне, и присно, и во веки веков. Аминь.

Тропарь Преполовления Пятидесятницы

Глас 8: Преполовившуся празднику,/ жаждущую душу мою
благочестия напой водами,/ яко всем, Спасе, возопил еси:/
жаждай да грядет ко Мне и да пиет.// Источниче жизни на-
шея, Христе Боже слава Тебе.

Лик: Гóсподи, помíлуй. **(Трижды)** Сла́ва Отцú и Сýну и Свя-
тóму Дúху.

Чтец: И ны́не и прíсно, и во ве́ки веко́в. Ами́нь.

Кафизма 13

Псалом 92

7 мая 2026. Четверг. Мч. Савва Стратилат.

Госпóдь воцарíся, в лéпоту облечéся: облечéся Госпóдь в сíлу и препоясая, íбо утвердí вселénную, яже не подви́жится. Готóв престóл Твой отто́ле: от вéка Ты есí. Воздвигóша рéки, Гóсподи, воздвигóша рéки гласы своя. Вóзмут рéки сотрénия своя, от гласóв вод мно́гих. Дíвны высо́ты морскíя, дíвен в высо́ких Госпóдь. Свидénия Твоя увéришася зело́, до́му Твоему́ подобáет святýня, Гóсподи, в долготу́ дней.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прíсно, и во вéки векóв. Амíнь. Аллилúиа, аллилúиа, аллилúиа, сла́ва Тебе́ Бо́же. **(Трижды)** Гóсподи, помíлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прíсно, и во вéки векóв. Амíнь.

Псалом 96

Госпóдь воцарíся, да ра́дуется земл́я, да веселя́тся óстрова мно́зи. Óблак и мрак óкрест Егó, прав́да и судьба́ исправлénие престóла Егó. Огнь пред Ним предъíдет, и попалíт óкрест врагí Егó. Осветíша мóлния Егó вселénную: вíде, и подви́жеся земл́я. Гóры я́ко воск растая́ша от лица́ Госпóдня, от лица́ Гóспода всея́ земл́и. Возвестíша небеса́ прав́ду Егó, и вíдеша вси лю́дие сла́ву Егó. Да постыд́ятся вси клáняющиися истукáнным, хва́лящиися о íдолех сво́их, поклонíтся Ему́ вси А́нгели Егó. Слы́ша и возвеселíся Сиóн, и возра́довашася дщéри Иудéйския, судéб ра́ди Тво́их, Гóсподи, я́ко Ты Госпóдь В́шний над всею́ земл́ею, зело́ превознэ́слся есí над все́ми бо́ги. Лю́бящии Гóспода, ненавídите зл́яя, хранíт Госпóдь ду́шы преподóбных Сво́их, из ру́ки грéшници избáвит я́. Свет возсия́ праведнику, и прав́ым сёрдцем весéлие. Веселíтесь, праведнии, о Гóсподе и исповéдайте па́мять Святýни Егó.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прíсно, и во вéки векóв. Амíнь. Аллилúиа, аллилúиа, аллилúиа, сла́ва Тебе́ Бо́же. **(Трижды)** Гóсподи, помíлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прíсно, и во вéки векóв. Амíнь.

Псалом 99

Восклíкните Бо́гови вся земл́я, рабóтайте Гóсподеви в весéлии, внíдите пред Ним в ра́дости. Увéдите, я́ко Госпóдь той есть Бог наш: Той сотвори́

7 мая 2026. Четверг. Мч. Савва Стратилат.

нас, а не мы, мы же лю́дие Егó и óвцы пáжители Егó. Вни́дите во врата́ Егó во исповѣдании, во дворя́ Егó в пѣниих: исповѣдайтесь Емú, хвалите́ имя Егó. Яко́ благ Господь, в век мѣлость Егó, и да́же до ро́да и ро́да истина Егó.

Чтец: Сла́ва Отцú и Сы́ну и Свято́му Дúху, и ны́не и прѣсно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, помѣлуй.

Диакон: Заступи́, спаси́, помѣлуй и сохрани́ нас, Бо́же, Твоею́ благода́тию.

Лик: Го́споди, помѣлуй.

Диакон: Пресвяту́ю, Пречи́стую, Преблагословѣнную, Сла́вную Влады́чицу на́шу Богороди́цу и Присноде́ву Мари́ю со все́ми святы́ми помяну́вше, са́ми себѣ и друг дру́га, и весь живóт наш Христу́ Бо́гу преда́дим.

Лик: Тебе́, Го́споди.

Священник: Яко́ Твоя́ держа́ва, и Твое́ есть ца́рство, и си́ла, и сла́ва, Отца́ и Сы́на и Свята́го Дúха, ны́не, и прѣсно, и во ве́ки веко́в.

Лик: Ами́нь.

Седален по 1-ом стихословии

Вся человеческая восприим, вся наша присвоив, на Кресте пригвоздители благоволил еси Творче мой, смерть изволивый претерпети яко Человек, да человечество от смерти избавиши яко Бог. Темже яко Жизнодавцу вопием Ти: слава Христе Воскресению Твоему.

Стих: Во всю́ зѣмлю изы́де веща́ние их, / и в концы́ вселѣнныя глаго́лы их.

Апостол Твоих память Господи, уяснил еси яко Всесилен, зане укрепил еси их, страсти Твоя подражати: победиша мужески велиарову силу, темже и прияша исцелений дарования. Тех молитвами Человеколюбче, мир подаждь людем Твоим.

Стих: Дивен Бо́г во святы́х Свои́х, Бо́г Изра́илев.

7 мая 2026. Четверг. Мч. Савва Стратилат.

Облекшеся во всеоружие Христово, и одеявшеся во оружие веры, ополчения вражия мужески низложисте: усердно бо надежду жизни, претерпесте вся мучителей прещения же и раны. Темже и венцы приясте, мученицы Христовы, терпеливодушни.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Пророцы проповедаша, апостоли научиша, мученицы исповедаша, и мы веровахом, Богородицу тя воистинну святую. Темже и величаем Рождество Твое несказанное.

Лик: Го́споди, помілуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прісно, и во ве́ки веко́в. Ами́нь.

Кафизма 14

Псалом 101

Го́споди, услы́ши моли́тву мою́, и вопль мой к Тебе́ да приидет. Не отврати́ лица́ Твоего́ от мене́: во́ньже а́ще день скорблю́, приклони́ ко мне́ у́хо Твое́: во́ньже а́ще день призову́ Тя, ско́ро услы́ши мя. Я́ко исчезо́ша я́ко дым дние́ мой, и ко́сти моя́ я́ко суши́ло сосхо́шася. Уязвен бых я́ко трава́, и и́зше се́рдце мое́, я́ко забы́х снести́ хлеб мой. От гла́са воздыха́ния моего́ прильпе́ кость моя́ плоти́ мое́й. Уподобихся не́ясыти пусты́нней, бых я́ко но́щный вран на ны́рищи. Бдех и бых я́ко пти́ца особя́щаяся на zde. Весь день поноша́ху ми врази́ мой, и хва́лящи мя мно́ю кленя́хуся. За́не́ пепел я́ко хлеб я́дях, и пи́тиё мое́ с пла́чем раство́рях. От лица́ гне́ва Твоего́ и я́рости Твое́я: я́ко возне́с низве́ргл мя еси́. Дние́ мой я́ко сень уклони́шася, и аз я́ко се́но изсхо́х. Ты же, Го́споди, во век пребыва́еши, и па́мять Твоя́ в род и род. Ты воскресе́ уще́дриши Сио́на, я́ко вре́мя уще́дрити его́, я́ко прииде́ вре́мя. Я́ко благоволи́ша раби́ Твои́ ка́мение его́, и персть его́ уще́дрят. И убо́ятся язы́цы и́мене Госпо́дня, и вси ца́рие зёмсти́и сла́вы Твое́я. Я́ко сози́ждет Госпо́дь Сио́на, и яви́тся во сла́ве Своё́й. Призре́ на моли́тву смире́нных, и не уничи́жи моле́ния их. Да напи́шется сие́ в род ин, и лю́дие зи́ждеми́и восхва́лят Го́спода. Я́ко при́ниче с высоты́ свята́я Сво́ея, Госпо́дь с небесе́ на зе́млю призре́, услы́шати воздыха́ние окова́нных, разреши́ти сы́ны умерщвлённых, возвести́ти в Сио́не и́мя Госпо́дне, и хвалу́ Его́ во Иерусали́ме. Внегда́ собрати́ся лю́дем вку́пе, и царём, е́же рабо́тати Го́сподеви. Отвеща́ ему́ на

7 мая 2026. Четверг. Мч. Савва Стратилат.

пути крепости его: умаление дней моих возвести ми. Не возведи мене в преполовление дней моих: в роде родов лета Твоя. В началех Ты, Господи, землю основал еси, и дела руку Твоею суть небеса. Та погибнут, Ты же пребываеши: и вся, яко риза обетшают, и яко одежду свиеси я и изменятся. Ты же тойжде еси, и лета Твоя не оскудеют. Сынове раб Твоих вселятся, и семя их во век исправится.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываая водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещеня Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытится земля. Прозабаяй траву скотом, и злак на службу человеку, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокие еленем, камень прибежище зайцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимви рыкающие, восхитити и взыскати от Бога пищу себе. Возсия солнце и обратася и в ложах своих лягут. Изидет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже

7 мая 2026. Четверг. Мч. Савва Стратилат.

несть числа, живóтная мáлая с великими, тáмо кораблѣ преплáвают, змий сей, егóже создáл еси ругáтися емú. Вся к Тебé чáют, дáти пѣщу им во блáго врéмя. Дáвшу Тебé им соберúт, отвéрзшу Тебé рúку всяческая испóлнятся блáгости, отврáщшу же Тебé лицé, возмáтýтся, отъймeши дух их, и исчéзнут, и в персть свою возвратя́тся. Пóслеши Дúха Твоегó, и созѣждутся, и обновѣши лицé землѣ. Бúди слáва Госпóдня во вéки, возвеселѣтся Госпóдь о дéлах Своѣх, призира́я на зéмлю, и творя́я ю́ трястѣся, прикаса́йся горáм, и дымáтся. Воспою́ Гóсподеви в животé моём, пою́ Бóгу моемú, дóндеже есмь, да усладѣтся Емú бесéда моя, аз же возвеселю́ся о Гóсподе. Да исчéзнут грéшницы от землѣ, и беззакóнницы, яко же не бѣти им. Благословѣ́, душé моя, Гóспода.

Чтец: Сла́ва Отцú и Сýну и Свято́му Дúху.

Лик: И ны́не и прѣсно, и во вéки веко́в. Ами́нь. Аллилúа, аллилúа, аллилúа, сла́ва Тебé Бóже. **(Трижды)** Гóсподи, помѣлуй. **(Трижды)** Сла́ва Отцú и Сýну и Свято́му Дúху.

Чтец: И ны́не и прѣсно, и во вéки веко́в. Ами́нь.

Псалом 104

Исповéдайтесь Гóсподеви, и призывáйте ѣмя Егó, возвестѣте во язýцах делá Егó. Воспойте Емú и пойте Емú, повéдите вся чудесá Егó. Хвалѣтесь о ѣмени святём Егó, да возвеселѣтся сёрдце ѣщущих Гóспода. Взыщѣте Гóспода, и утвердѣтесь, взыщѣте лицá Егó вýну. Помяните чудесá Егó, яже сотвори́, чудесá Егó, и судьбý уст Егó. Сéмя Аврáамле рабѣ Егó, сынове Иáковли избрáннии Егó. Той Госпóдь Бог наш, по всей землѣ судьбý Егó. Помянú в век завет Свой, слóво, е́же заповéда в тýсящы ро́дов, е́же завещá Аврáаму, и клятву Свою́ Исаáку. И поста́ви ю́ Иáкову в повелéние, и Изра́илю в завет вéчен, глагóля: тебé дам зéмлю Ханаáню, úже достоя́нния вáшего, вневгдá бѣти им мáлым числóм, малéйшим и прише́льцем в ней. И преидóша от язýка в язýк, и от цáрствѣя в лю́ди ѣны. Не оста́ви челове́ка обѣдети их, и обличѣ́ о них царѣ́. Не прикаса́йтесь пома́занным моѣм, и во прорóцах моѣх не лукавнуйте. И призва́ глад на зéмлю, всяко утвержéние хлéбное сотры́. Послá пред нѣми челове́ка: в рабá прóдан бысть Иóсиф. Смирѣша во окóвах нóзе егó, желéзо прóйде душá егó, дóндеже прииде слóво Егó, слóво Госпóдне разжжé егó. Послá царь и разреши́ егó: князь люде́й, и оста́ви егó. Поста́ви егó господѣна дóму своемú, и князя всемú стяжáнию своемú, наказáти князи егó яко себе́, и старцы́ егó умудрѣти. И вни́де Изра́иль во Егѣпет, и Иáков прише́льствова в

7 мая 2026. Четверг. Мч. Савва Стратилат.

зѣмлю Хáмову. И возрастí лю́ди своя зело́, и укрепí я́ пáче враго́в их. Преврати́ сѣрдце их возненавидети лю́ди Егó, лествь сотвори́ти в рабѣх Егó. Послá Моисѣа раба́ Своегó, Аарóна, егóже избра́ Себѣ. Положи́ в них словеса́ зна́мений Свои́х, и чудѣс Свои́х в землѣ Хáмове. Послá тму и помрачí, я́ко преогорчíша словеса́ Егó. Преложí во́ды их в кровь, и изморí рýбы их. Воскипе́ земля́ их жа́бами в сокрóвищницах царѣй их. Рече́, и приидóша пѣсия мýхи, и скн́пы во вся предѣлы их. Положи́ дожди́ их гра́ды, огонь попада́ющ в землѣ их, и порази́ виногра́ды их и смóквы их, и сотры́ всякое дрѣво предѣл их. Рече́, и приидóша прýзи и гýсеницы, íмже не бе числа́. И снадóша всяку траву́ в землѣ их, и поядóша всяк плод землѣ их. И порази́ всякаго пѣрвенца в землѣ их, начáток всякаго труда́ их, и изведе́ я́ с сребро́м и злато́м, и не бе в колѣнах их боля́й. Возвесели́ся Егíпет во исхождѣнии их, я́ко нападѣ страх их на ня. Распростре́ о́блак в покрóв им и огонь, е́же просветíти им но́щию. Просíша и приидóша кра́стели, и хлѣба небѣснаго насы́ти я́, развѣрзе ка́мень и потекóша во́ды, потекóша в безводных рѣки, я́ко помяну́ сло́во свято́е Своѣ, е́же ко Авраáму, рабу́ Своему́. И изведе́ лю́ди Своя́ в радóсти, и избрáнныя Своя́ в весѣлии. И даде́ им страны́ язык, и труды́ людѣй наслѣдоваша, я́ко да сохраня́т оправдáния Егó и закóна Егó взы́щут.

Чтец: Сла́ва Отцú и Сы́ну и Свято́му Дúху, и ны́не и прíсно, и во вѣки веко́в. Амíнь. Аллилу́иа, аллилу́иа, аллилу́иа, сла́ва Тебѣ́ Бóже. *(Трижды)*

Седален по 2-ом стихословию

Стоя посреде святилища, преполовляющуся божественно празднику, жаждай, взывал еси, да грядет ко Мне и пиет: пияй бо от сея Божественныя Моея воды, реки из чрева источит велений Моих, а иже верует в Мя, посланнаго от Божественнаго Родителя, со Мною прославится. Сего ради вопием Ти: слава Тебе Христе Боже, яко богато излиал еси воды Твоего человеколюбия рабом Твоим.

Сла́ва Отцú, и Сы́ну, и Свято́му Дúху, и ны́не, и прíсно, и во вѣки веко́в. Амíнь.

Стоя посреде святилища, преполовляющуся божественно празднику, жаждай, взывал еси, да грядет ко Мне и пиет: пияй бо от сея Божественныя Моея воды, реки из чрева источит велений Моих, а иже верует в Мя, посланнаго от Божественнаго Родителя, со Мною прославится. Сего ради вопием Ти: слава Тебе Христе Боже, яко богато излиал еси воды Твоего человеколюбия рабом Твоим.

7 мая 2026. Четверг. Мч. Савва Стратилат.

Воскресная песнь после Евангелия

Воскресение Христово видевше,/ поклонимся Святому
Господу Иисусу,/ единому безгрешному./ Кресту Твоему
поклоняемся, Христэ,/ и святое Воскресение Твое поем и
славим:/ Ты бо еси Бог наш,/ разве Тебе иного не знаем,/
имя Твое именуем./ Приидите вси вернии,/ поклонимся
Святому Христову Воскресению:/ се бо прииде крестом
радость всему миру./ Всегда благословяще Господа,/ поем
Воскресение Его:/ распятие бо претерпев, // смерть
разруши.

Псалом 50

Помилуй мя, Боже, по велицей милости Твоей, и по множеству щедрот
Твоих очисти беззаконие мое. Наипаче омый мя от беззакония моего, и от
греха моего очисти мя. Яко беззаконие мое аз знаю и грех мой предо
мною есть вину. Тебе Единому согреших, и лукавое пред Тобою сотво
рих, яко да оправдишися во словесех Твоих и победиши, внегда судити
Ти. Се бо в беззакониих зачат есмь, и во гресех роди мя мати моя. Се бо
истину возлюбил еси, безвестная и тайная премудрости Твоя явил ми
еси. Окропиши мя иссопом, и очищуся, омыеши мя, и паче снега убелюся.
Слуху моему даси радость и веселие, возрадуются кости смиренныя. От
врати лице Твое от грех моих, и вся беззакония моя очисти. Сердце чисто
созижди во мне, Боже, и дух прав обнови во утробе моей. Не отвержи ме
не от лица Твоего, и Духа Твоего Святого не отыми от мене. Воздаждь ми
радость спасения Твоего, и Духом Владычним утверди мя. Научу безза
конныя путем Твоим, и нечестивии к Тебе обратятся. Избави мя от кро
вей, Боже, Боже спасения моего, возрадуется язык мой правде Твоей.
Господи, устне мои отверзешу, и уста моя возвестят хвалу Твою. Яко аще
бы восхотел еси жертвы, дал бых убо, всесожжения не благоволиши.
Жертва Богу дух сокрушен, сердце сокрушенно и смиренно Бог не уничи
жит. Ублажи, Господи, благоволением Твоим Сиона, и да созиждутся сте
ны Иерусалимския. Тогда благоволиши жертву правды, возношение и
всесожегаемая: тогда возложат на олтарь Твой тельцы.

7 мая 2026. Четверг. Мч. Савва Стратилат.

Канон

Песнь 1

Канон Преполовления Пятидесятницы. Глас 4.

Ирмос, глас 4: Моря чермную пучину,/ невлажными стопами,/ древний пешешествовав Израиль,/ крестообразными Моисеовыма руками,// Амаликову силу в пустыни победил есть.

Припев: Слава Тебе, Боже наш, слава Тебе.

Велия яже паче ума Владыко, Божественнаго Твоего воплощения, благодеяния сияют нам, дарове же и благодати, и Божественныя светлости, благоподатно истекающыя.

Припев: Слава Тебе, Боже наш, слава Тебе.

Пришел еси Христе, светлости Божества испущая, праздника посреде явленно: праздник бо радостный спасаемых еси, и спасения нашего ходатай.

Припев: Слава Тебе, Боже наш, слава Тебе.

Премудрость, правда, Господи, и избавление у Бога Ты был еси нам, от земли к небесной преводя высоте, и Дух Божественный даруя.

Канон мученика Саввы Стратилата. Глас 2.

Припев: Святой мучениче Савво, моли Бога о нас.

Ты наше, Господи, от адовых врат естество избавль, того затворил еси в темницах вечных и, смерть умертвив, жизнь источил еси.

Припев: Святой мучениче Савво, моли Бога о нас.

Иже на земли, славне, воинство оставль, Небесным чином и воинством труды Божественными славно причелся еси, Савво, славя Христа.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Песнь 3

Канон Преполовления Пятидесятницы. Глас 4.

7 мая 2026. Четверг. Мч. Савва Стратилат.

Ирмос, глас 4: Веселится о Тебе Церковь Твоя Христе, зовущи:/ Ты моя крепость Господи,// и прибежище и утверждение.

Припев: Слава Тебе, Боже наш, слава Тебе.

Вод животворных источники отверзл еси Церкви, аще кто жаждет, усердно да приходит и пьет, вопия Блаже.

Припев: Слава Тебе, Боже наш, слава Тебе.

От земли убо на небо вознестися, проявленно глагола еси: с небесе же Духа послати обещал еси Святаго.

Припев: Слава Тебе, Боже наш, слава Тебе.

Естеством животворяй, и от Девы родивыйся Господь, всем верным дарова безсмертие, яко Благоутробен.

Канон мученика Саввы Стратилата. Глас 2.

Припев: Святой мучениче Савво, моли Бога о нас.

Силу Христос борца и державу низлож смерти, оживи естество наше Своим Воскресением и укрепи.

Припев: Святой мучениче Савво, моли Бога о нас.

Теплая, премудре, Христова любы, ты божественно разжегши, земных и тленных всех отлучи и прелести супостата показа.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Катавасия

Ирмос, глас 2: Утверди нас в Тебе, Господи,/ Древом умерщвлей грех,/ и страх Твой всади// в сердца нас, поющих Тя.

Малая ектения

Диакон: Па́ки и па́ки ми́ром Го́споду помóлимся.

Лик: Го́споди, помíлуй.

Диакон: Заступи́, спаси́, помíлуй и сохрани́ нас, Бо́же, Твоею́ благода́тию.

7 мая 2026. Четверг. Мч. Савва Стратилат.

Лик: Гóсподи, помíлуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувше, сами себе и друг друга, и весь живот наш Христу Богу предадим.

Лик: Тебé, Гóсподи.

Священник: Яко Ты еси Бог наш, и Тебé славу воссылаем, Отцú и Сыну, и Святому Духу, ныне и присно, и во веки веков.

Лик: Амíнь.

Кондаки

Кондак мч. Саввы Стратилата и с ним 70-ти воинов, Глас 4:

Непобедимый явлься стратилат, варварския козни победил еси и, страдальчествовав, славне, твердейши, множество врагов невидимых поборил еси, темже венец исплел еси победы. О нас моли Христа, Савво всеблаженне, верою почитающих тя.

Седальны

Неподвижим явлься воевода, варварския козни победил еси и, пострадав, славне, крепко, полки преборил еси враг невидимых. Отонудуже венцем увязлся еси победным, о нас моли прилежно, Савво преблаженне, верою поющих тя.

Слава Отцú, и Сыну, и Святому Духу, и ныне, и присно, и во веки веков. Амíнь.

Премудрости воду и жизни, источая миру, всех Спасе призываеши почерпсти спасения воды: Божественный бо закон Твой приим человек, в себе угашает прелести углие, отонудуже во веки не вжаждет, ни престанет насыщения Твоего Владыко Царю Пренебесный. Сего ради славим державу Твою Христе Боже, прегрешений оставление просяще низпослати богато рабом Твоим.

Песнь 4

Канон Преполовления Пятидесятницы. Глас 4.

7 мая 2026. Четверг. Мч. Савва Стратилат.

Ирмос, глас 4: Вознесена Тя видевши Церковь на Кресте,/ Солнце праведное,/ ста в чине своем,/ достойно зывающе:// слава силе Твоей Господи.

Припев: Слава Тебе, Боже наш, слава Тебе.

Растерзав смерти врата силою Твоею, пути жизни сказал еси, безсмертия же двери отверзл еси, верою зовущим: слава силе Твоей Господи.

Припев: Слава Тебе, Боже наш, слава Тебе.

Преполовение всех и конец имей, и начала яко безначален обдержай, стал еси посреде вопия: Божественных Богомудрии приидите даров насладитесь.

Припев: Слава Тебе, Боже наш, слава Тебе.

Яко Бог и всех имей власть, яко силен державу низложив смерти, послати обещался еси Христе Духа Святаго, от Отца происходящаго.

Канон мученика Саввы Стратилата. Глас 2.

Припев: Святой мучениче Савво, моли Бога о нас.

Ножом отсекл еси истинных глагол твоих лжи сплетения доблественне, Савво преславне.

Припев: Святой мучениче Савво, моли Бога о нас.

Цветущая телесе красота в тебе истинно яви, страсотерпче, души твоя Божественное благолепие.

Слава Отцѹ, и Сыну, и Святому Дѹху, и ныне, и присно, и во веки веков. Аминь.

Песнь 5

Канон Преполовения Пятидесятницы. Глас 4.

Ирмос, глас 4: Ты Господи мой,/ свет в мир пришел еси,/ свет святой, обращающий из мрачна неведения,// верою воспевающыя Тя.

Припев: Слава Тебе, Боже наш, слава Тебе.

Ты первую одежду мою, юже ми истка, увы мне, сеятель греха, совлекл еси Спасе мой, облекся в мя.

7 мая 2026. Четверг. Мч. Савва Стратилат.

Припев: Слава Тебе, Боже наш, слава Тебе.

Божественных праздников преполовения достигше, совершенною божественною добродетелию обучитися потщимся Богомудрии.

Припев: Слава Тебе, Боже наш, слава Тебе.

Яко воистинну священное настоящее торжество преполовение: превеликих бо праздников корень, и светится обоюду.

Канон мученика Саввы Стратилата. Глас 2.

Припев: Святой мучениче Савво, моли Бога о нас.

Ты погребением плоти борца нашего погребл еси и, яко Бог, истощив ада, воскреси мертвыя Своим Воскресением, Христе, Тя прославльшия.

Припев: Святой мучениче Савво, моли Бога о нас.

Украшене, мудре, тварей доброте, познал еси всех Владыку, темже Его ради, Савво, пострадав, венцев сподобился еси.

Сла́ва Отцú, и Сы́ну, и Свято́му Ду́ху, и ны́не, и прísно, и во ве́ки веко́в. Ами́нь.

Песнь 6

Канон Преполовения Пятидесятницы. Глас 4.

Ирмос, глас 4: Пожру Ти со гласом хваления Господи,/ Церковь вопиет Ти,/ от бесовския крове очищися,/ ради милости от ребр Твоих// истекшею кровию.

Припев: Слава Тебе, Боже наш, слава Тебе.

Преполовение Пятдесятницы наста днесь, отсюду Божественныя убо Пасхи, Божественнейшею светлостию озарившееся, отонудуже Утешителевою благодатию сияющее.

Припев: Слава Тебе, Боже наш, слава Тебе.

Глаголал еси в Храме Христе предстоя, иудейским собором Свою славу открывая, и предъявляя сродство к Родителю.

Канон мученика Саввы Стратилата. Глас 2.

Припев: Святой мучениче Савво, моли Бога о нас.

Погубив смертию смерть, Иже нас ради волею мертв вменился еси, Христе, мертвыя оживил еси и сея уз избавил еси.

7 мая 2026. Четверг. Мч. Савва Стратилат.

Припев: Святыи мучениче Савво, моли Бога о нас.

Окропився Христа Божественною кровию, идольских треб осквернения отступил еси, Савво славне, и светом одеаявся благодати.

Слава Отцѹ, и Сыну, и Святому Дѹху, и ныне, и присно, и во веки веков. Аминь.

Катавасия

Ирмос, глас 2: В бездне греховней валяся,/ неизследную милосердия Твоего призываю бездну:// от тли, Боже, мя возведи.

Малая ектения

Диакон: Паки и паки миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Ты бо еси Царь мира, и Спас душ наших, и Тебе славу возсылаем, Отцѹ, и Сыну, и Святому Дѹху, ныне и присно, и во веки веков.

Лик: Аминь.

Кондак

Кондак Преполовления Пятидесятницы

Глас 4: Празднику законному преполовляющуся, всех Творче Владыко, к предстоящим глагола еси Христе Боже: приидите и почерпите воду бессмертия. Темже Тебе припадаем, и верно вопием: щедроты Твоя даруй нам, Ты бо еси источник жизни наша.

Икос: Оляденевшую мою душу прегрешений беззаконьми теченьми Твоих кровей напой, и покажи плодоносну добродетельми: Ты бо рекл еси

7 мая 2026. Четверг. Мч. Савва Стратилат.

всем, еже приходити к Тебе, Слове Божий Всесвятый, и воду нетления почерпати, живую же и очищающую грехи, поющих славное и Божественное Твое востание, подая Благий с высоты сшедшую воистинну учеником Твоим Духа крепость, Тебе Бога ведущим: Ты бо еси источник жизни наша.

Песнь 7

Канон Преполовления Пятидесятницы. Глас 4.

Ирмос, глас 4: В печи Авраамстии отроцы Персидстей,/ любовию благочестия паче,/ нежели пламенем опаляеми взываху:// благословен еси в храме славы Твоя Господи.

Припев: Слава Тебе, Боже наш, слава Тебе.

Крепостию Спасе смертную разорь силу, стезю жизни показал еси человеком, благодарно Тебе зовущим: благословен еси в храме славы Твоя Господи.

Припев: Слава Тебе, Боже наш, слава Тебе.

Плоть носяща видяще, не разумеша собори еврейстии Слове Тя Божий: но мы Тебе воспеваем: благословен еси в храме славы Твоя Господи.

Канон мученика Саввы Стратилата. Глас 2.

Припев: Святый мучениче Савво, моли Бога о нас.

Уснув Христос волею яко мертв, плотию во гробе, мертвья, иже во аде спящия, от века возбуди и живоносным востанием сих воскреси, поющая: благословен Бог отец наших.

Припев: Святый мучениче Савво, моли Бога о нас.

Оружие, мудре, Божественных словес, яко нож держав, в сердца сих вонзил еси нечествующих, и уязвил еси сопротивных ложная беззакония, и взывал еси: благословен Бог отец наших.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Песнь 8

Канон Преполовления Пятидесятницы. Глас 4.

7 мая 2026. Четверг. Мч. Савва Стратилат.

Ирмос, глас 4: Руце распростер Даниил,/ львов зияния в ро-
ве затче:/ огненную же силу угасиша,/ добродетелию препо-
ясавшеся,/ благочестия рачители отроцы взывающе://
благословите вся дела Господня Господа.

Припев: Слава Тебе, Боже наш, слава Тебе.

Красен из гроба востав, Божества славою украшен, апостолом Твоим
Господи явился еси, Духа обещающа тем послати действо, вопиющим:
благословите вся дела Господня Господа.

Припев: Слава Тебе, Боже наш, слава Тебе.

Умертвив ада яко Бог живоначальнейший, всем источил еси живот веч-
ный, егоже ныне воображают явственнее, светоносных дней сих радости,
вопиющим: благословите вся дела Господня Господа.

Припев: Слава Тебе, Боже наш, слава Тебе.

Лучы, яко Солнце Христе правды явився, миру послал еси апостолы
Твоя, носящыя Тебе свет непостижимый, и неведения мглу очищающыя и
вопиющыя: благословите вся дела Господня Господа.

Канон мученика Саввы Стратилата. Глас 2.

Припев: Святыи мучениче Савво, моли Бога о нас.

Смерти обретателя, смертию твоею плотскою убив, Щедре, сего всем по-
казал еси человеком вечную смерть: Ты превозносим, Животе и Нетле-
ние.

Припев: Святыи мучениче Савво, моли Бога о нас.

Тимения всего очищся безбожнаго и служения идольскаго банею, стра-
сотерпче, крещения, Зиждителю чисте приступил еси, Савво, в подвизах
терпя доблественне.

Благословим Отца и Сына и Святаго Духа, Господа, и ныне, и присно, и
во веки веков. Аминь.

Припев: Хвалим, благословим, поклоняемся Господеву, по-
юще и превозносяще во вся веки.

Катавасия

Ирмос, глас 2: В пещь огненную ко отроком еврейским
снизшедшаго/ и пламень в росу преложшаго Бога,/ пойте,
дела, яко Господа// и превозносите во вся веки.

Диакон: Богородицу и Матерь Света в пѣснех возвеличим.

Песнь Пресвятыя Богородицы

Лик: Величит душа Моя Господа, и возрадовася дух Мой о
Бозе Спасе Моём.

Припев: Честнейшую Херувим и славнейшую без сравнения
Серафим, без истления Бога Слова рождшую, сущую
Богородицу, Тя величаем.

Яко призре на смирение Рабы Своея, се бо от ныне ублажат
Мя вси роди.

Припев: Честнейшую Херувим и славнейшую без сравнения Серафим,
без истления Бога Слова рождшую, сущую Богородицу, Тя величаем.

Яко сотвори Мне величие Сильный, и свято имя Его, и
милость Его в роды родов боящимся Его.

Припев: Честнейшую Херувим и славнейшую без сравнения Серафим,
без истления Бога Слова рождшую, сущую Богородицу, Тя величаем.

Сотвори державу мышцею Своею, расточи гордыя мыслию
сердца их.

Припев: Честнейшую Херувим и славнейшую без сравнения Серафим,
без истления Бога Слова рождшую, сущую Богородицу, Тя величаем.

Низложи сильные со престол, и вознесе смиренные; алчущия
исполни благ, и богатящиеся отпусти тщи.

7 мая 2026. Четверг. Мч. Савва Стратилат.

Припев: Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

Восприят Израиля отрока Своего, помянути милости, якоже глагола ко отцем нашим, Аврааму и семени его даже до века.

Припев: Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

Песнь 9

Канон Преполовления Пятидесятницы. Глас 4.

Ирмос, глас 4: Камень нерукосечный/ от несекомья горы Тебе Дево,/ краеугольный отсечеса Христос,/ совокупивый разстоящаяся естества.// Тем веселящися, Тя Богородице величаем.

Припев: Слава Тебе, Боже наш, слава Тебе.

Новому и чистому жительству, от Христа научившися, сие даже до конца сохранить полезно вси потщимся яко да Святаго Духа пришествие восприимем.

Припев: Слава Тебе, Боже наш, слава Тебе.

Ты мое смертное Жизнодавче, обложением безсмертия, и нетления благодатию облек Спасе, совоскресил еси, и Отцу привел еси, временную мою разрушив брань.

Припев: Слава Тебе, Боже наш, слава Тебе.

В небесное паки житие звани бывше, ходатайства силою истощившагося даже и до рабья образа, и нас вознесшаго, Сего достойно возвеличим.

Канон мученика Саввы Стратилата. Глас 2.

Припев: Святой мучениче Савво, моли Бога о нас.

Ты, утробу адову расторг, Щедре, истощил еси того, яко силен, и небесный оскудевший наполнил еси мир, воздвиг и оживив мертвые, и человеки вся вознесл еси разумением Твоим.

Припев: Святой мучениче Савво, моли Бога о нас.

7 мая 2026. Четверг. Мч. Савва Стратилат.

Востек на высоту умно, страсотерпче, Божественнаго познания Христова, прелесть, долу влекущую, оставил еси и крилы страдания к Сему вознеслся еси, прилежно величая и славя Его яко Преплага.

Слава Отцѹ, и Сыну, и Святому Духу, и ныне, и присно, и во веки веков. Аминь.

Катавасия

Ирмос, глас 2: От Бога Бога Слова,/ неизреченною мудростию пришедшаго обновити Адама,/ ядию в тление падшаго люте,/ от Святыя Девы неизреченно воплотившагося нас ради,// вернии, единомудренно песньми величаем.

Малая ектения

Диакон: Паки и паки миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Препоблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Тя хвалят вся Силы Небесныя, и Тебе славу возсылаем, Отцѹ, и Сыну, и Святому Духу, ныне и присно, и во веки веков.

Лик: Аминь.

Светильны

Чашу имеяй неистощимых даров, даждь ми почерпсти воду во оставление грехов, яко содержимь есмь жажду, Благоутробне едине Щедре.

Слава Отцѹ, и Сыну, и Святому Духу, и ныне, и присно, и во веки веков. Аминь.

7 мая 2026. Четверг. Мч. Савва Стратилат.

Чашу имеяй неистошимых даров, даждь ми почерпсти воду во оставление грехов, яко содержимь есмь жажду, Благоутробне едине Щедре.

Хвалитны

Псалом 148

Чтец: Хвалите Господа с Небес. Тебе подобает песнь Богу. Хвалите Господа с Небес, хвалите Его в вышних. Тебе подобает песнь Богу. Хвалите Его, вси Ангели Его, хвалите Его, вся Силы Его. Тебе подобает песнь Богу. Хвалите Его, солнце и луна, хвалите Его, вся звезды и свет. Хвалите Его, небеса небес, и вода, яже превыше небес, да восхвалят имя Господне. Яко Той рече, и быша, Той повеле, и создашася. Постави я в век и в век века, повеление положи, и не мимо идет. Хвалите Господа от земли, змиеве и вся бездны, огонь, град, снег, голоть, дух бурен, творящая слово Его, горы и вси холмы, древа плодоносна и вси кедри, зверие и вси скоти, гады и птицы пернаты, царие земстии и вси людие, князи и вси судии земстии, юноши и девы, старцы с юнотами да восхвалят имя Господне, яко вознесся имя Того Единого. Исповедание Его на земли и на Небеси, и вознесет рог людей Своих. Песнь всем преподобным Его, сыновом Израилевым, людем, приближающимся Ему.

Псалом 149

Воспойте Господеву песнь нову, хваление Его в церкви преподобных. Да возвеселится Израиль о сотворшем его, и сынове Сиони возрадуются о Царе своем. Да восхвалят имя Его в лице, в тимпане и псалтири да поют Ему. Яко благоволит Господь в людех Своих и вознесет короткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати цари их пугы, и славныя их ручными окovy железными.

На 6: Сотворити в них суд написан, слава сия будет всем преподобным Его.

Хвалите Бога во святых Его, хвалите Его во утверждении силы Его.

Четверток 4-й седмицы по Пасхе, попразднство Преполовления на 4, глас 3

Канонарх: На 4: Хвалите Его на силах Его.

Лик: хвалите Его по множеству величества Его.

7 мая 2026. Четверг. Мч. Савва Стратилат.

Глас 2: Во свете Твоем Владыко, узрим свет
Человеколюбче:/ воскресл бо еси из мертвых, спасение
роду человеческому даруяй,// да Тя тварь вся славословит
единого безгрешного, помилуй нас.

Канонарх: Хвалите Его во гласе трубнем.

Лик: хвалите Его во псалтири и гуслех.

Во свете Твоем Владыко, узрим свет Человеколюбче:/
воскресл бо еси из мертвых, спасение роду человеческому
даруяй,// да Тя тварь вся славословит единого безгрешного,
помилуй нас.

Канонарх: Хвалите Его в тимпане и лице.

Лик: хвалите Его во струнах и органе.

Христовы заповеди непорочно сохраниши святии
апостоли,/ туне приясте, туне подаваете,/ исцеляюще
страсти душ и телес наших./ Темже имуще дерзновение,
Того молитесь,// помиловаться душам нашим.

Канонарх: Хвалите Его в кимвалех доброгласных, хвалите Его в кимвалех
восклицания.

Лик: Всякое дыхание да хвалит Господа.

Яко светила в мире сияете,/ и по смерти святии мученицы,
подвигом добрым подвизавшися./ Темже имуще
дерзновение,// Христа молитесь, помиловаться душам
нашим.

Слава и ныне, глас 4. Слава Отцу, и Сыну, и Святому Духу.

Лик: И ныне, и присно, и во веки веков. Аминь.

7 мая 2026. Четверг. Мч. Савва Стратилат.

Господи, прежде честнаго Твоего Креста,/ празднику преполовившуся,/ во святилище вшел еси, иудеи со дерзновением учя,/ Моисеем и в законе Тобою законоположенным,/ ужасающеся же Христе Твоя премудрости неизреченному таинству,/ еже на Тя роптанию в себе завистию поучахуся:/ како Сей весть писмена не учився?// Не ведяще Тебе Спаса душ наших.

Чтец: Слава Тебе, Показавшему нам свет.

Славословие всedневное

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю Небесный, Боже Отче Вседержителю, Господи, Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, вземляй грех мира, помилуй нас; вземляй грехи мира, прими молитву нашу; седяи одесную Отца, помилуй нас. Яко Ты еси един Свят, Ты еси един Господь, Иисус Христос, в славу Бога Отца, Аминь.

На всяк день благословлю Тя и восхвалю имя Твое во веки и в век века.

Господи, Прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой; яко у Тебе источник живота, во свете Твоем узрим свет. Пробави милость Твою ведущим Тя.

Таже: Сподоби, Господи, в день сей без греха сохранитися нам. Благословен еси, Господи Боже отец наших, и хвально и прославлено имя Твое во веки. Аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправдании Твоими.

Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

7 мая 2026. Четверг. Мч. Савва Стратилат.

Ектения просительная

Диакон: Исполним утреннюю молитву нашу Господеви.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Лик: Господи, помилуй.

Диакон: Дне всего совершенна, свята, мирна и безгрешна у Господа просим.

Лик: Подай, Господи. (на каждое прошение)

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Бог милости и щедрот и человеколюбия еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

Священник: Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Стихиры на стиховне

Четверток 4-й седмицы по Пасхе, попразднство Преполовления на 3

Канонарх: Глас 2, Велий еси Царю.

Велий еси Царю,/ и велия Твоя держава:/ вельми бо обнищав,// великих дарований вселенную исполнил еси.

Стих: Помяни сонм Твой./

егоже стяжал еси исперва.

Стал еси в храме источая Твоя струи,/ празднику преполовившуся,// и напаяя жаждущыя Божественною Благодатию, благоутробне.

Стих: Бог же, Царь наш, прежде века./

содела спасение посреде земли.

Спасти мя восхотев,/ воплотился еси преславно от Девы неискусобрачныя,/ и посреде храма Твоего// благодать мне источил еси.

Слава и ныне, глас 8. Слава Отцѹ, и Сыну, и Святому Дѹху.

и ныне, и присно, и во веки веков. Аминь.

Преполовившуся празднику прежде страсти,/ и славнаго Воскресения Твоего Господи,/ был еси учя Блаже во святылици непокоривыя иудеи,/ и фарисеи, и книжники, и вопия к ним:/ жагдай да грядет ко Мне и пиет:/ веруй в Мя, воды жизни Духа Божественнаго реки потекут от чрева его:/ о неизреченныя премудрости Твоего хваления!!! Иже вся исполняяй Боже наш, слава Тебе.

Чтец: Благо есть исповѣдаться Господеви, и пѣти Имени Твоему, Вышний: возвещати заутра милость Твою, и истину Твою на всяку ночь.

Святыи Боже, Святыи Крепкий, Святыи Безсмертный, помилуй нас (**трижды**).

Слава Отцѹ и Сыну и Святому Дѹху, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

7 мая 2026. Четверг. Мч. Савва Стратилат.

Господи, помилуй (*трижды*).

Слава Отцу, и Сыну, и Святому Духу, и ныне, и присно, и во веки веков. Аминь.

Отче наш, Иже еси на Небесах! Да святится имя Твое, да придет Царствие Твое, да будет воля Твоя, яко на Небесах, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила, и слава, Отца, и Сына, и Святаго Духа, ныне и присно, и во веки веков. Аминь.

Лик: Аминь.

Тропари в конец Утрени

Тропарь мч. Саввы Стратилата и с ним 70-ти воинов

Глас 5: Земнаго сана пояс оставив и почести, страдальче,/ пред мучителем, льстивым царем Христа, Бога суца,/ исповедал еси и Того ради многа страдания подъял еси, славне./ Тем прекрасным победы венцем увязлся еси от Царя всех царствующаго,/ с Небесными вои светло преукрашен./ Предстоя Тому, Савво, моли, // да спасет души наша.

Слава Отцу, и Сыну, и Святому Духу, и ныне, и присно, и во веки веков. Аминь.

Тропарь Преполовления Пятидесятницы

Глас 8: Преполовившуся празднику,/ жаждущую душу мою благочестия напой водами,/ яко всем, Спасе, возопил еси:/ жаждай да грядет ко Мне и да пьет. // Источниче жизни нашея, Христе Боже слава Тебе.

7 мая 2026. Четверг. Мч. Савва Стратилат.

Сугубая ектения

Диакон: Помилуй нас, Бóже, по велицей мило́сти Твое́й, мо́лим Ти ся, услы́ши и помилуй.

Лик: Го́споди, помилуй *(трижды)*.

Диакон: Ещѣ мо́лимся о Вели́ком Госпо́дине и Отце́ на́шем Святе́йшем Патри́архе Кири́лле, и всей во Христе́ бра́тии на́шей.

Лик: Го́споди, помилуй *(трижды)*. *(на каждое прошение)*

Священник: Яко Милостив и Человеколюбец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прісно и во ве́ки веко́в.

Лик: Ами́нь.

Диакон: Премудрость.

Лик: Благослові́.

Священник: Сый благословѣн Христос, Бог наш, всегда́, ны́не и прісно, и во ве́ки веко́в.

Лик: Ами́нь. Утверди́, Бóже, святу́ю правосла́вную ве́ру, правосла́вных христиа́н во ве́к ве́ка.

1-й час

Чтец: Христос воскрес из мѣртвых, смѣртию смѣрть попра́в, и су́щим во гробѣх живѣт дарова́в. *(Трижды)*

Прииді́те, поклоні́мся Царе́ви на́шему Бо́гу.

Прииді́те, поклоні́мся и припаде́м Христу́, Царе́ви на́шему Бо́гу.

Прииді́те, поклоні́мся и припаде́м Самому́ Христу́, Царе́ви и Бо́гу на́шему.

Псалом 5

Глаго́лы моя́ внуши́, Го́споди, разумѣ́й зва́ние мое́. Вонми́ гласу́ моле́ния моего́, Царю́ мой и Бóже мой, яко́ к Тебе́ помолю́ся, Го́споди. Зау́тра услы́ши глас мой, зау́тра предста́ну Ти, и у́зриши мя. Яко́ Бог не хотя́й беззако́нныя, Ты еси́: не приселі́тся к Тебе́ лукавнуя́я, ниже́ пребу́дут беззако́нницы пред очі́ма Твои́ма: возненави́дел еси́ вся де́лающыя беззако́ние. Погуби́ши вся глаго́лющыя лжу: му́жа кровей и льсти́ва гнуша́ется Господь. Аз же мно́жеством мило́сти Твое́я, вни́ду в дом Твой, поклоню́ся

7 мая 2026. Четверг. Мч. Савва Стратилат.

ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишия в них, и похвалятся о Тебе любящими имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничжения их лета будут. Утро яко трава мимоидет, утро процветет и прейдет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчезити? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся завтра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагал пред очима моима вещь законопреступную: творящая преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях: гордым оком, и несытым сердцем, с сим не ядях. Очи мои на верныя земли, посадати я со мною: ходяй по пути непорочно, сей ми служаше. Не живяше посреде дому моего творяй гор-

7 мая 2026. Четверг. Мч. Савва Стратилат.

дѣлю, глаголюй неправедная, не исправляше пред очима мойма. Во утрия избивах вся грѣшныя земли, еже потребити от града Господня вся дѣлающыя беззаконие.

Слава Отцѹ и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебѣ Божѣ. (Трижды)

Господи, помилуй. (Трижды)

Тропарь Преполовления Пятидесятницы, глас 8

Преполовившуся празднику, жаждущую душу мою благочестия напой водами, яко всем, Спасе, возопил еси: жаждай да грядет ко Мне и да пиет. Источниче жизни нашея, Христе Божѣ слава Тебѣ.

Слава Отцу, и Сыну, и Святому Духу.

Тропарь мч. Саввы Стратилата и с ним 70-ти воинов, глас 5

Земнаго сана пояс оставив и почести, страдальче, пред мучителем, льстивым царем Христа, Бога суца, исповедал еси и Того ради многа страдания подъял еси, славне. Тем прекрасным победы венцем увязлся еси от Царя всех царствующаго, с Небесными вои светло преукрашен. Предстоя Тому, Савво, моли, да спасет души наша.

Чтец: И ныне, и присно, и во веки веков. Аминь.

Богородичен: Что Тя наречѣм, о Благодѣтная? / Небо, яко возсияла еси Солнце Правды. / Рай, яко прозябла еси цвет нетленія. / Дѣву, яко пребыла еси нетленна. / Чистую Матерь, яко имѣла еси на святыхъ Твоихъ объятіяхъ Сына, всехъ Божѣ. / Того моли спасти души нашимъ.

Стопы моя направи по словеси Твоему / и да не обладает мною всякое беззаконие.

Избави мя от клеветы человеческия, / и сохранию заповеди Твоя.

Лице Твое просвети на раба Твоего / и научи мя оправданиемъ Твоимъ.

Да исполнятся уста моя хваления Твоего, Господи, / яко да воспую славу Твою, / весь день великолѣпіе Твое.

Святый Божѣ, Святый Крепкий, Святый Безсмертный, помилуй нас. (Трижды, с крестнымъ знаменіемъ и пояснымъ поклономъ)

Слава Отцѹ и Сыну и Святому Духу, и ныне и присно и во веки веков. Аминь.

7 мая 2026. Четверг. Мч. Савва Стратилат.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила, и слава Отца и Сына и Святаго Духа, и ныне и присно и во веки веков.

Чтец: Аминь.

Кондак Преполовения Пятидесятницы, глас 4

Празднику законному преполовляющуся, всех Творче Владыко, к предстоящим глагола еси Христе Боже: приидите и почерпите воду бессмертия. Темже Тебе припадаем, и верно вопием: щедроты Твоя даруй нам, Ты бо еси источник жизни нашея.

Господи, помилуй *(40 раз)*.

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагоутробне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй, *(Трижды)*.

Слава Отцу и Сыну и Святому Духу, и ныне и присно и во веки веков. Аминь.

Честнейшую Херувим/ и славнейшую без сравнения Серафим,/ без исленения Бога Слова рождшую,/ сущую Богородицу, Тя величаем.

7 мая 2026. Четверг. Мч. Савва Стратилат.

Именем Господним благослові, отче.

Священник: Бóже, ущéдри ны и благослові ны, просветí лицé Твое на ны и помíлуй ны.

Чтец: Аминь.

Священник: Христé, Свéте Истинный, просвещáяй и освящáяй всякаго чело-вéка, грядúщаго в мир, да знаменається на нас свет лица Твоегó, да в нем ú-зрим Свет Непрístупный: и испрáви стопы нáша к дéланию заповедей Твоих, молитвами Пречíстыя Твоея Мáтере, и всех Твоих святых, амíнь.

Лик: Глас 8: **Аще и во гроб снизшел еси Безсмéртне,/ но á-дову разрушил еси síлу, и воскрéсл еси яко победитель Христé Бóже,/ женам миронóсицам вещáвый, рáдуйтесь!/ и Твоим апóстолом мир дáруяй,// пáдшим подай воскре-сéние.**

Священник: Слáва Тебé, Христé Бóже, уповáние нáше, слáва Тебé.

Лик: Слáва Отцú и Сыну и Святóму Дúху, и ныне и прíсно и во вéки векóв. Амíнь. Гóсподи, помíлуй, **(Трижды)**. Благо-словí.

Отпуст

Воскресый из мертвых Христос Истинный Бог наш, молитвами Пречистыя Своея Матере, святых славных и всехвальных Апостол, иже во святых отца нашего Николая, архиепископа Мир Ликийских, Чудотворца, мч. Саввы Стратилата и с ним 70-ти воинов, святых праведных Богоотец Иоакима и Анны, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла, Святéйшаго Патриáрха Москóвскаго и всея Русí,/ и господина нашего высокопреосвящéнейшаго **[или преосвящéнейшаго] íмя-рек,** митрополита **[или архиепíскопа, или епíскопа] егó же**

7 мая 2026. Четверг. Мч. Савва Стратилат.

есть область,/ богохрани́мую страну́ на́шу Росси́йскую,
вла́сти и во́инство ея́,/ настоя́теля, бра́тию, прихо́жан свя-
та́го хра́ма сегó, и вся правосла́вныя христиа́ны,// Го́споди,
сохрани́ их на мно́гая ле́та.